



Quasi Stella Matutina in medio

Nebulæ. Eccl. 50. v. 6.

Ite ! Ite lacrymæ, eheu ! amarum Amoris, lugubre doloris, & leve, fidele tamen gratitudinis tributum ! Ite, inquam, lacrymæ, & effractâ vel perruptâ oculorum crytallo exstillantes, atræ, quam tot funereæ fæces exhalant, fuligini permixtæ infelici huic pennæ instillate argumento suo concolor atramentum ; quo in mortuali potius sindone, quam in candida papyro funebrem Panegyrim SERENISSIMO & CLEMENTISSIMO PRINCIPI meo inauspicatus Panegyrista contexam. Eheu ! triste obsequium ; & quod unum, promptus ad cætera, CLEMENTISSIMO DOMINO meo hodie primùm (fateor) invitus impendo ; cuius inter tot funebres tædas tædet ; inter piceos ignium fumos piget ; & miseret inter miserabiles Aulæ planctus. SERENISSIMUS ET REVERENDISSIMUS PRINCEPS AC DOMINUS, CAROLUS, ô amatum nuper, nunc amarum nomen ! CAROLUS, ô dulce solo nuper, nunc cœlo nomen ! CAROLUS, ô lætum, ô triste nomen ! CAROLUS, inquam, JOSEPHUS,

C

nascent-